

www.BibleForChildren.org

मत्ती 1



एलीसिबा छ मैना ओतावत परमेस्वरए फरी ओचाकऱ्या
गब्रिएललाई ज गालील खन्दलाव नासरत सहरल
तोबो कऱ्या लुजाए ल्योक परीक्यो। नो लुजालाई भर्जा दाऊदए
ओथोलाव योसेफ यादोज्यावत णिद यानैज्याव। नोए उमिन
मरियम ओल्यो।



नो चाकऱ्याए फरी, “ताछेनी मरियम,
परमेस्वरए उयुँ नल्योदा गरॉद ले। नँ
गर्बवती ताद खेपा ज़ा तोबो नदैरिज़्या।
नोए उमिन येसु नैदियो। नो बनै घ्योःव
मिँ ताद माहान परमेस्वरए ओज़ा
ज़ लिद थऱैरिज़्यार। नोलाई
परमेस्वरए, ओल उपुर्खा दाऊदए
ओराज्या चलैऱ्या जैरिज़्याव।
है जैद याकूबए ओथोलावराए याडैताव ज़
ताद नोए ओराज्या खर्क ज़ खेऱ्या
माले,” है दोक्यो।



हाःत ज़ मरियमए, “आव भरी कै जैद
तान्या? डा आःपै कन्या ज़ डालिज़्या,”
है ओदोक ते, नो चाकन्याए, “नँ नक्याँत
परमेस्वरए छैँव उपुरुस हुद माहान
परमेस्वरए ओसक्तीनी ज़ा
नदैरिज़्या। है जैद नो छैँव
पुरुसनिकाव भाउज़ालाई
परमेस्वरए ओज़ा ज़
है दान्या लेर।”



तछा छीनी मरियम झाःसिद लाला लुलु यहूदियालाव
गॉल जकरियाए ओनाखारल बाके। जकरियाए
उझिमल पसिद मरियमए एलीसिबालाई जेरो है
ओदोज्याव ओथैव प्राईना
एलीसिबाए उफूलाव ओजा
जोके। हाःत ज एलीसिबा
छैव पुरुसए ब्याल्द,
बनै रैद, “मेंमा भरिरानी
नँ असिक दैव ज
नलिज्या। नफूलाव
नजा ब असिक दैव
ज तारिज्या।”



येसु ख्रीस उजर्मिउ इतावनी ज़ — येसुए ओआमा मरियमलाई
भर्जा योसेफत निद यानैज्याव।
नोनी बिह्या निमादोद ज़
मरियम परमेस्वरए छैव
उपूरुसनी ज़ा दैन्या ताद
उलिज्याव। नो मरियमलाई
निज्याव योसेफ धर्मी
मिँ ओतावए मरियम
ज़ा दैन्या ताद उलिज्याव
सैद ओपाहा झाःद मायाद
अलगज़ा रासो ओपैज्याव।



निताव जैव ओपैज्याक ज़ तछा उमँल परमेस्वरए ओचाकच्या
हुद, “नँ दाऊदए ओथोलाव योसेफ, मरियमलाई रैन्या ताछेनी।
नो उफूलाव ज़ा ते परमेस्वरए छँव उपरूसनिकाव
ची। नो ओजा खेपा तारिज्या। नोए उमिन
'येस' नैदियो, काराव ल्यो ताकिन नोए
उमीरालाई यादोव पापनी यारस्त्रिज्याव।”



है जैद योसेफ सैंसिद परमेस्वरए ओचाक्याए है ओदोव मिताव
ओज्या मरियमलाई रैक्यो। खाली मरियमए ज़ा ओमादैवा पै
निक्याँ मासदैकिनी। ओदैवत फरी नो भाउज़ाए
उमिन येसु नैदिक्यो।



हो बेलाक तछा रोमी माहाराजा अगस्तसए रोमी राज्या
भरिलाव जनसंख्या सन्या हुकुम याएक्यो। यामिन सर्सिना
प्राई ज सु सु यासाखा पुर्खार
याजर्मिउ सहर
सहरदा ज बाकेर।



है जैद योसेफ पाला उलिज़्याव गालील खन्दलाव नासरतनी
यहूदिया खन्दलाव बेथलेहेम यादोज्याव दाऊद राजाए
ओनाखारल उमिन सर्सिना
बाके, काराव ल्यो ताकिन
योसेफ दाऊदए
ओथोलाव



ज़ ओल्यो।



निद यानैज्याव ओज्या मरियमलाई ब ओलस ज लाँक्यो। नो
बेलाक मरियम गिसो क्याँस उलिज्याव।



बेथलेहेमल निलिज़्याक ज़
सुत्क्याल्नी तान्या बेला
ताद, . . .



. . . जेथा ज़ा दैक्यो। नो उजर्मिउ पाइँना ज़ दालए दाल्द
बाछाराए छी ज़्यान्या पोल नैक्यो। भत्तील लिन्या पो
निमादैवए गोथल निलिज़्याव।



हो छ्याम रील नो नाखारकिन पाखाड तोबो बाँल गावलाराए
बेधार तबगाल खकैद यारानैज्याव। हाः बेलाक ज परमेस्वरए
तोबो ओचाक्या उमँःजानी गावलाराए

याल्योक
सरैःसिहुद
परमेस्वरए
ओजगै ब
पाइँदा ज जगै

जैक्यो। नो रँःद
बनै छे.केर।



हात ज़ नो चाक्याए, “जे ताछेच्यो, डा जेलाई बनै चाव था
रैद नैद डयाचिए। नो थात मिँ भरी बनै रेंन्या लेर। आछिम
दाऊदए ओनाखारल इस्राएलीरालाई बाँचैन्या

तोबो जर्मिद
ले। नो
जर्मिउ प्रभु
ख्रीस ज़।”



“जे नोलाई सरेस्न्या सरेस, नो भाउजालाई बाछाराए छी
ज्यान्या पोल दालए दाल्सिउ सेप्सिउ दैन्या जेले,”
है यादोक्यो।



हाःत ज़ नो चाक्याए ओनैर बनै माहोल्या हुद परमेस्वरए
ल्योदा बनै खुसी ताद है लिकेर, “स्वर्गताव
परमेस्वरलाई ज़गै मगै ओताक, मानुवाताव
उयुँलाव



मिताव मिँराए
यायुँ ब होलाँ
ओताक।”



नो परमेस्वरण ओचाक्यार स्वर्गदा याबाव छीनी नो बेधा
गावलाराण या याल, “दे, गे बेथलेहेमदा गोबा, प्रभुए है
ओदासिउ गेचिऊना,” है लिद, लाला लुलु नाखारल धोंःनाद
मरियम सोनो योसेफनिलाई यारादैकेर।



नो भाउजालाई ब बाछाराए छी ज़्यान्या पोल
सेप्सिउ दैकेर। है जैदआव रँद नो भाउजाए
उजूनी परमेस्वरए ओचाकय्याए है ओरादोव भरी
है यारादोकेर।



राजा हेरोदए ओपालाक
येसु यहूदिया खन्दलाव
बेथलेहेम नाखारल ज
जर्मिके। उजर्मिउ छीनी
जैसीर पुर्ब त.नी
यरूसलेमल

हुद, “जर्मिउ यहूदीराए याराजा काङ्क
उलिज्याव? नोलाई सरेस्न्या सोरो पुर्बल
गेरँ:के। है जैद नोलाई धो गेदोया लिद
हुद गेले,” है यारादोकेर।



राजा हेरोदए आव भरी थैद
जैसीरालाई अलगजा खुल्द,
“नो सोरो खाक जेरँ:व?” है
दाद थऱैद, नोरालाई,
“बाचिकेदा, नो जर्मिउ
भाउजालाई बनै चावस
खिम्च्यो। जेदैवत डालाई मनी
है दाव ताके। डा ब बाद नोलाई
धो डादोरिज्या,” है दाद
बेथलेहेमदा यापरींक्यो।



नोर राजाए ओपाँ भैं:द याबाज़्याक फरी नो पुर्बलाव यारँ:व
सोरो याड़ा याड़ा बाद नो भाउजा जर्मिद उलिज़्याव पोक ज़
अदिके। नो झिमल ज़ पसिकेर।



नल नो भाउजालाई ओआमा मरियमस उलिज्याव दैद
ओझाक फुलुप्सिद धो दाद यासुन्दुसर पैद सुनर
धुपर बनै चाव चाव यासी डरोर ब
चरै:केर। हा: बेलाक ज तछा यामँल
परमेस्वरए, “जे हेरोदए ल्योदा फरी
ओल्द ताबाच्यो,” है ओरादोज्याव
रँ:केर। है जैद नोर
हेरोदए ओल्योलाव
घ्याँ माबाद तँनिकाव
घ्याँ यादेसदा ओल्द
बाकेर।



नो जैसीर याबाव छीनी तछा
योसेफए उमँल मनी परमेस्वरए
ओचाकऱ्या हूद, “नँ सोद हतप्त
ज भाउजा सौनो ओआमालाई
लाँद इजिपदा धाँऱिके। फरी
‘हचिके’ है डामादाचिवा पै
हौड ज लिच्यो। हेरोद
राजाए नो भाउजालाई




खिम्द सैऱव पैज्याव,” है दोक्यो।



हात ज़ योसेफ सैंसिद रील ज़ नो
भाउज़ालाई ओआमास इजिपदा
निलाँक्यो। हेरोद ओमासिवा पै
होड ज़ लिकेर। है जैद नत ज़
परमेस्वरए अगमबक्तालाई सरो
उपरींव पाँ यो.के। नोए
ओसरो आव ज़, “डाज़ा
इजिपनी खुल्द रैद डानै।”



नो जैसीर याबाव छीनी, 'जैसीराए ते
याछकैनाव ची ओल्यो' लिन्या सैद
हेरोद बनै रसिद बेथलेहेम सोनो
नजीलाव खेपा ताद लिज्याव
भाउजार नेरिमकिन मेदाडाव भरी
ओपो.स ज सै:व यापरींक्यो। नो
ओरासै:व,



जैसीराए इदा सोरो
यारँ:व गोइँनी ज़।



हेरोद राजा उसिउ छींनी योसेफ
इजिपल उलिज्याक ज तछा उमँल
परमेस्वरए ओचाकच्या फरी हुद,
“नँ सोद भाउजालाई ओआमास
लाँद इस्राएलीराए जेपोदा ओल्द
बाचिके। भाउजालाई सैःव
पैंज्याव ओल ज सिधुके,”
है ओदोव पाइँना ज, योसेफ
सैँसिद भाउजालाई

ओआमास इस्राएल देसदा
ज निलाँक्यो।



होड ओकेसोत हेरोदए ओपोल ओजा
अखिलाउसए यहूदीराए
यादेस ओचलैज्याव सैंद
योसेफ नल लिन्या
ओछेःज्याव।



हैं जैद तछा उमँल,
'गालील खन्दल बाद तोबोक
लिनके' लिद परमेस्वरए हैं ओदोव रँःकयो।



है जैद गालीललाव नासरत यादोज्याव
सहरल लिनाकेर। नो
भरी ब अगमबक्ताराए
यासरो मिताव ज़ यो.के।
नो सर्सिउ आव
ज़,



“नोलाई नासरतलाव है दान्या लेर।”



परमेस्वरए आव मानुवाताव मिँरालाई उयुँ
नाद तोबोका तोबो ओजा ब याएकयो।
है जैद जोए नो ओजालाई उयुँ
हुपुज्या, नो कै मै माताद
अजम्बरी जुनी
दैन्या ले।



रोमी 3:23

काराव ल्यो ताकिन पाडँए ज़ पाप दाद परमेस्वरए ओज़गैनी
अछत ताकेर।

रोमी 6:23

पापए ओजेला नर्ग लिज़्या, परमेस्वरए ओयासिज़्याव बरदान ते
गेप्रभु येसु ख्रीसनी अजम्बरी जुनी लिज़्या।

हिब्रू 9:27

मिँ भरी तखेप सिउ परिज़्या। नकिन परमेस्वरए ओड़ाक फाल्सिउ
परिरिज़्या।



एफिसी 2:8,9

परमेस्वरए ल्योदा जेयुँ जेसुहुबोए उयुँ गराँद बाँचैद नैचिउ। नो जे जेदोवनी माःक, परमेस्वरए अइज ओयाचिउ बरदान ची। गे गेदोवनी ताकिन ते सधयोःसिन्या गेल्यो।

रोमी 10:9,10

जेयाःत 'येसु ख्रीस ज़ गोप्रभु' लिद जेपाँकिन, सोनो जेयुँल 'परमेस्वरए ख्रीसलाई सिउनी सोचोइक्यो' लिद जेयुँल जेपतिकिन बाँचिन्या जेले। गेयुँए ज़ परमेस्वरए ओपाँलाई गेयुँ हुपुद ओलस गेखैज्या, फरी नो गेयुँलाव पाँलाई गेयाःए पाखात पाँद गेबाँचिज्या।



यूहन्ना 3:16,17

परमेस्वरए आव मानुवाताव मिँरालाई उयुँ नाद तोबोका तोबो ओजा ब याएक्यो। है जैद जोए नो ओजालाई उयुँ हुप्ज्या, नो कै मै माताद अजम्बरी जुनी दैन्या ले। परमेस्वरए ओजालाई मानुवाताव मिँरालाई खेम्न्याए जूनी उपरींव माःक, बुरु मानुवाताव मिँरालाई बाँचैन्याए जूनी उपरींव ची।

1 यूहन्ना 5:11-13

गोलाई परमेस्वरए ओयासिज्याव साची आव ज — गो मिँर अजम्बरी जुनी दैन्यार गेताज्या, नो जुनी ओजाए ओक्याँत वाज लिज्या। जोए परमेस्वरए ओजालाई उयुँल रैज्याव, होए ज अजम्बरी जुनी दैज्याव। जोए ओजालाई उयुँल मारैव, होस अजम्बरी जुनी माले। आव डासरो चिथी जे परमेस्वरए ओजालाई जेयुँ हुप्ज्यावराए जूनी सर्द डानै। आव चिथीनी ज अजम्बरी जुनी जेस उलिज्याव सैन्या जेले।



मत्ती 1-2; लूका 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Kham, Western Parbate NT (kjl) © 2015, Wycliffe Bible
Translators, Inc. All rights reserved.

<https://www.bible.com/bible/2495/MAT.1.NKHAM>

©2025 Bible for Children, Inc.

www.M1914.org

www.bibleforchildren.org

